

四庫全書

子部

欽定四庫全書

萬姓統譜卷一百三

明 凌迪知 撰

去聲

十八嘯

廖

力救切汝南角音古有廖叔安春秋伯颺其後也今衡山多此姓

周

廖叔安

古今人表

漢

廖扶

字文起平興人習詩書教授常數百人尤明天文織緯風角推步之術號為北郭先生

廖覲

鉅鹿太守

廖湛

三國廖立

字公淵武陵人蜀先主辟為從事諸葛亮答吳使謂龐統廖立楚之良才後徙長水校尉快快坐廢為民徙汶山即率妻子耕殖自守及聞亮卒泣曰吾終為左社矣

廖化

字元險仕蜀先主假節為并州刺史封中鄉侯以果烈稱

廖崇

字實卿將樂人性質直不汎交隱於綏城縣銀蓋山讀書終歲不出王羲之聞其賢遣价徵之

固辭不起

南廖冲

字清虛桂陽人博學能文辭於經史無所不通飭身修行鄉閭稱之以儒術知名仕梁為主簿西曹祭酒時武帝好儒學招徠天下名士冲與焉嘗命賦詩稱上意嘉賞之湘東王之就國也

唐

廖湛

闕

聞冲有詞藻請以為王國常侍上許之王為人
性猜忍冲私謂所親曰根本撥矣天下必不能
久治吾當去且不去王將以赭衣衣我即浩
然掛冠歸結廬靜福山居焉時大通三年也

咸通

中縣令朱邵以
聞詔加旌表

廖匡國

詩人

五代 廖凝

字熙績仕南唐宰都昌縣以廉自守秩滿題詩
修江寺云五斗徒勞更折腰三年兩鬢為民焦

今朝解印吟歸去
還挈來時舊酒瓢

廖澄

順昌人少負忠義梁開平進士後仕南唐累官
大理評事宋曹彬下江南人勸之降澄曰君臣

之義不可廢也矢死不顧城陷從容引決死之

廖容

字元素與任鵠凌塘為詩社卜南嶽為隱所湘守楊徽之嘗訪之左司諫張觀過衡贈詩有到

頭終為蒼生起休戀咄桑楚水濱之句容終不仕

廖匡濟

為湖廣決勝指揮使帥衡山時黔南有警因率兵鏖戰死之馬希範遣使往弔其母曰廖

氏三百口受溫飽之賜舉族死未足為報况一子乎願勿為念希範賢之厚恤其家

廖居素

將樂人仕南唐以剛直見忌驟諫後主不聽服朝衣冠立死井中大書于篋曰吾不忍見

國破主辱耳

宋廖執象

順昌人七歲能詩甫冠入京師赴省試太宗覽其文而喜之以疾卒朝野甚惜之初陳搏

見之謂曰子謫仙人也第不能久留塵世耳有文集十卷

廖正古

字明遠將樂人登治平二年進士初知西安縣有惠政屢言青苗不便忤於當道遂乞致

仕歸日與故舊嘯傲山水簞瓢屢空宴如也有歸田錄

廖正一

字明略元豐初上御集英殿放榜時彥以下有晁補之廖正一同榜

廖闕

元豐二年以尚書屯田郎中知闕太平日久慮民狃於安樂廼即黃圃飭巡

檢司養兵以防盜賊仍奏置四縣巡檢一員

廖覲

字次山順昌人廸簡之子工於文元符間入太學值蘇軾卒作悼賦詩數十首語皆妙絕崇寧

中上書言

時政黜歸

廖君玉

字國華荊州人元祐中以朝請郎知英州素好學建書堂於桂山名曰紫桂堂偃仰其間

時作吟咏而政事未嘗廢也

廖剛

字用中順昌人少從陳瓘揚時學崇寧中登進士高宗朝為侍御史中丞知無不言鄭億年與秦檜有連剛疏其惡檜銜之改工部尚書後以徽猷閣直學士致仕子四人遲過遂遂皆秉麾節時號萬石廖氏

廖彥正

夔州人為南平司錄叅軍徽宗求直言彥正上封事論時政缺失由是被召會修大河除

都水使者中人有與爭者彥正欲力正其罪遂被斥後預黨籍

廖衡

順昌人性警敏絕人六歲能屬文縣尉催租見之負抱至衙命吟雨中山茶詩有淚多陳后愁

離殿浴出楊妃困荷蘭之句大奇之名聞于郡
禮遣至試以詩迎題立就句尤婉麗年十三中
鄉舉後歷
轉運判官

廖顯

字季邛連州人父為徐州教授歷循潯新三州
守俱有政聲顯聰慧博學九歲能屬文登紹興
五年進士第歷戶錄縣令改秩授封州教官時
父新州秩滿辭歸顯迎養之及父卒歸葬哀咷
感動行路世稱其孝服闋知化州乾道八年陞
提舉廣南東路茶鹽事淳熙三年改廣南西路
提點刑獄
事而卒

廖謙

字益仲衡陽人從朱仲晦講學於南嶽仲晦教
以打破舉子程文用詩文之厄理會學問謙毅
然承
之

廖邦傑

字懷英順昌人淳祐間知建寧縣修學宮增學廩闢貢士庄建惠寧倉勅仁壽廬歲饑疫

治藥餌糜粥以濟民全活者甚衆咸淳間以帥參攝軍事嘗修圖經他政績亦多

廖瑀

字伯禹雩都人年十五通五經鄉人稱廖五經建炎中以茂異薦不第精堪輿之術得金精山

善地自稱金精山人

廖玖

字粹老紹興中守新州清白有為月得供給錢悉付公帑以備不虞之用

廖元素

隱衡山號衡山居士

廖復之

字仁叔建寧人倅宜州繞到羅蠻諭以大義諸蠻翕然聽命

廖天覺

字仲先順昌人紹興進士知餘姚縣屬行方田法天覺簡其事用民甚便之時楊時在會

稽每稱曰仲先古君
子以朝請大夫致仕

廖德明

字子晦順昌人少學釋氏得楊時書讀之大悟遂受學朱熹乾道中第進士累官知潯州

有聲諸司交薦之德明曰今老矣況以道徇人乎固辭後知廣州遷吏部左選郎官有槎溪集

世行

廖翰

宜賓人少以孝義聞嘗有壘反翰與戰于馬鳴溪敗陷于溪流數里不沒時皆異之子琮

廖琮

翰子嘉祐初歐陽公知貢試民監賜章衡榜及第官至朝議大夫年未五十思及親養致仕歸

廖有衡

琮之子字致平登熙寧進士第官至朝議大夫家有荔支二株實綠而味甘黃庭堅與友

善號為綠荔廖氏後人因而稱之以別其族

廖叔正

字正臣晉江人慶元中歷興寧令瓊莞寇嘗捕有功轉知高州

廖金鳳

增城人居鄉能調窮恤匱端平間廣州軍變招集義兵守護縣治事平有司以聞朝廷將

官之而金鳳已

卒乃贈太尉

元

廖人俊

寧都人元初父死于寇母亦被虜人俊七歲與祖母居既長誓求父骨得于叢塚間又往

北方求母聞在滄州至則已死欲負骨歸葬異父弟不許遂刻母像而還合葬焉吳澂有文記

其實

明廖永安

字彥敬巢縣人元季起義兵保東湖後以兵來歸從渡江累官同知樞密院事領兵與偽

吳戰于太湖水淺舟膠遂陷于吳卒追封楚國公諡武敏弟永忠封德慶侯

廖文貴

曹縣人洪武初任工部營繕司主事有能名後以建言工役事謫成大寧卒於戍所子興

方十歲時同邑

李春者收養之

廖昇

襄陽人不知其所以進學行最知名與方孝儒王紳輩友善洪武中為左府斷事上知其賢二

十九年六月擢太常少卿建文元年正月敕修

高皇實錄禮部左侍郎兼翰林學士董倫右侍

郎兼翰林學士王景彰為總裁官昇及翰林侍

講學士高巽志副總裁翰林修撰李貫國子博

士王紳漢中府學教授胡子昭齊府審理副楊

士奇崇仁學訓導羅恢馬龍他郎甸長官司吏

目程本立等纂修官昇博雅有史才朗達負氣

書北平兵事語多撫實聞忠誠伯等自龍潭還

慟哭與家人訣自縊死都御史陳瑛奏昇黃觀

王叔英周是修王良顏伯瑋皆不順天命效死

建文計其存心與叛逆等並宜追戮上詔勿問

廖鏞

永忠嫡孫任散騎舍人歷官至都督建文中與議兵事宿衛殿廷永樂時上以廖侯兩子鏞與

銘嘗受學方孝孺令召之孝孺怒曰汝讀幾年書還不識箇是字復命上怒令軍校收孝孺孝孺杖屨至闕下大哭上大怒刑之聚寶門外凡七日罵聲不絕廖兩子拾遺骸葬聚寶門外山上甫畢廖氏亦見收兩子遂逃去永樂元年被獲論死

廖璉

為常熟知縣寬厚廉勤門無私謁民感其政後陞蘇州府通判

廖謨

字文績泰和人永樂進士正統間為河間府同知才識優長為政簡靜尋陞本府知府聲譽益

著卒于官民咸悼之

廖謹

字慎初以字行南海人恬靜力學淹貫經史寡交游以澹交名其齋以明經薦授通山縣學教

諭教人以執禮為先解學士出為交趾叅議與謹遇與之上下議論不能有加也

廖均卿

江西人精地理成祖擇壽陵久不得吉壤永樂七年禮部尚書以均卿至昌平縣徧閱諸

山得縣東黃土山最吉成祖即日臨視定議封為天壽山授均卿官

廖琚

龍門人從幼嗜學行誼為鄉民敬服善事父母逮父母沒每遇生辰忌日及朔望清齋三晝夜

黥水不入口以不忘鞠育年五十卒

廖莊

字安止吉水人宣德庚戌進士改庶吉士授給事中陞南京大理少卿以直言下獄謫定羌丞

天順元年召復職仕至刑部右侍郎致仕卒贈刑部尚書諡恭敏莊任性易直表裏洞然然好

剛尚氣言辭激憤又好面折人人不能堪莊已無芥蒂人故益恨莊莊既抗忠獲罪名聞天下顧不屑謹細行遠嫌好存謝賓客諸遊知為懼狎蓋其濶達天性然也

廖漢

字天章蒲圻人性剛毅獨行不回弘治中進士授戶部主事陳情便養改南京孤介有聲正德

初起復值逆瑾柄國上疏抗論時政不報再疏自陳歸結茅五洪山潛修以居

廖紀

字惟修九江衛人弘治進士正德初授浙江安吉知州以奏最陞南京兵部職方員外轉北京

工部都水司郎中尋改營繕奉公執法多忤權豪陞福建延平知府又歷平陽政聲益著嘉靖五年陞廣西按察司副使值思恩田州叛極力征勦因遘疾卒于官

廖雲鵬

字時嘉懷安人弘治庚戌進士歷官郎中

廖紀

字廷陳直隸人弘治庚戌進士歷官禮部尚書諡僖靖

廖道南

字鳴吾蒲圻人正德辛巳進士歷官翰林學士上命修大禮書經筵輪講多直言日食陳

天變四事
時多難之

廖梯

字雲卿興化人正德丁丑進士歷知府

廖雲翔

懷安人由舉人正德十年知本縣持身廉介不以家累自隨布衣脫粟不慕華美視民如

子不妄加刑罰嘗有貧民負官錢者以其俸貸之不責其償先是縣官謁鎮守市船內臣率以賄賂左右乃得通及見必多奉金幣以贅雲翔曰一錢尺幣皆民脂也寧忍剝吾民以媚人邪卒不可後應朝人有謂當多備行資以隨應曰天下寧有餓死大朝官乎其介特如此後調虹

仕川致

廖希顏

字叔愚茶陵人嘉靖壬辰進士知高安縣事少年發科精練老吏然清廉公謹時督率諸

生講肄情學基侵缺與教諭王道協謀復舊址創尊經閣啓聖祠敬一亭文明坊踰月成功而民不擾焉擢工部主事累陞提學副使按察使

嘉靖

丙辰進士廖逢節固始人初姓楊奏改今

姓歷都察院右僉都御史巡撫延綏地方

邵

博陵商音召公奭之後加邑為邵氏又望出關

漢邵平

廣陵人為東陵侯嘗為陳勝狗廣陵後為布衣種瓜於長安城東瓜有五色甚美世謂之東陵

瓜今廣陵有東陵亭疑即平所封地也

晉
邵榮興漢壽人八世同居州縣辟皆不應後旌表門閭

邵續

字嗣祖安陽人父乘仕為散騎侍郎續素朴有志博覽經史妙解天文初為成都王穎叅軍後

為樂陵太守綏懷有方散亡歸附尋以兵屬元帝累官冀州刺史

邵疇

吳人

邵悌

南
北邵洪哲

上谷沮陽人縣令范道榮先自昀城歸歎以除縣令道榮鄉人徐孔明妄經公府訟道榮

非勲道榮坐除名羈旅孤貧不能自理洪哲不勝義憤遂代道榮謁京師明申曲直經歷寒暑不憚劬勞道榮卒得復雪又北鎮反亂道榮孤單無所歸附洪哲兄伯川復率鄉人來相迎接

送達幽州道榮感其誠節訴
省申聞詔下州郡表其門閭

唐

邵說

安陽人郭子儀辟置幕府累遷長安令
秘書少監德宗立擢吏部侍郎以才顯

邵楚萇

字待倫閬縣人貞元中及第有題馬侍中亭
子歌詞極華侈焉懼以此獲咎遂撤毀之由

是詩名大振
為校書郎

邵軫

與李華等八
人相友善

邵師裕

咸通中建昌縣人為政以德邑人感之以德
政名其鄉隣境之人多慕之來歸附又以卜

隣名鄉取王翰
願卜隣之意也

邵謁

翁源人少貧賤為吏令欲笞之謁掉臂愿截髮
矢志發憤讀書久之博通經子百家苦吟尤工

古調學既成抵國子
聲華焜耀於薦紳間

五代

邵拙

宣城人孤峭不撓博通經史飲酒嘗至百杯偶
沉酣遂絕飲有詩百篇尚書郎孫邁為之序命

曰盧嶽集又有手抄
史傳文集三百卷

宋

邵晔

字日華桂陽人祖崇德道州錄事叅軍父簡連
山令晔幼嗜學恥從辟署太平興國八年進士
累官右諫議大夫知廣州卒廣州城瀕海每
蕃舶至岸苦颶風晔鑿內濠通舟颶不能害

邵源

字應昌淳安人登開禧元年進士第嘉定間宰
郟城遷江東廉訪副使弟該字應隆登寶慶二
年進士第主亳州定
縣簿兄弟皆有惠政

邵煥

淳安人咸平中年十歲以童子召赴闕真宗令
賦春兩詩頃刻而就除正字令於秘閣讀書上

嘗引入宮命賦睡宮城詩立就且佳時人驚異累官至金部員外郎

邵雍

字堯夫范陽人年三十從父古徙居河南雍高

明英邁于書無所不讀每尚友古人及見李之才聞性命之學乃自探賸索隱洞見天地運化

古今事變萬物性情遂行宓義先天之旨著皇極經世諸書程子稱

為振古之豪傑也

邵伯溫

字子文雍子入聞父教出與司馬光二程子

交故所聞日博以薦授大名府助教調長子尉章惇為相薦之伯溫願補外得監永興鑄錢監徽宗初上書數千言欲復祖宗制度辨宣仁

誣謗解元祐黨錮出知靈寶徙芮城縣後遷利路轉運副使所著有河南集間見錄及皇極觀

物諸解

邵靈甫

宜興人。侗儻樂施。予嘗歲歉。盡發儲得五千餘斛。自縣至湖。狀鎮除道四十里。浚蠡河等

水路八十餘里。通輦畫溪入太湖。邑人爭受役。因賴以活。子梁登進士第。孫剛魁南省人。以為

積善之報

邵必

丹陽人。舉進士第。累官京西轉運使。入修起居注。雄州種木道上契丹遣人夜伐去。命必往使

必以理折契丹屈之後。遷龍圖閣學士。知成都。

邵餗

丹陽人。素有節行。精于篆書。范仲淹嘗稱許之。王琪守潤。薦于朝。賜號冲素處士。

邵炳

淳安人。晃之子。登天聖五年進士第。為富陽簿。秩滿歸。築樓名曰白雲。而隱焉。范文正公守睦

招之不就。內相葉道卿。郡倅張文定。屈炳主錢塘學。亦辭。後張公在諫垣。薦之。召赴闕。因上時

政機要策三篇除秘書省校書郎知義
烏縣不赴復還舊隱時稱白雲先生

邵亢

字興宗必從子少舉茂才異等為潁王府翊善
加直史館英宗召對羣玉殿訪以世事謂曰真

國器也神宗即位遷龍圖直
學士歷樞密副使卒諡安簡

邵材

字聖規宜興人熙寧中試開封第一舉進士為
監察御史時王安石當國司馬光論新法一日

語材曰劾去司馬大官可立待材毅然曰君實
正人也可厚誣之乎即自劾歸後終鴻臚卿

邵維

湘陰人子五人曰玘琬珪珣珵珦兄弟不分財
產於所居立怡怡堂後玘珪珣珵珦皆舉進士第

邵琥

維子少與兄玘弟珪同游太學遇至人後歸都
嶠山草菴修煉元符初蘇軾自嶺表歸訪琥菴

中留旬餘琥後立草菴西蜀峨眉山遁去不知
所終留題壁間云往往來來三十年更無踪跡

在西川功成行滿昇天
去回首山頭月正圓

邵剛

靈甫之孫熙寧六年魁南宮與余中
邵材同時登選一邑三魁天下榮之

邵清

字彥明古田人元祐間太學諸生有十彥之號
清預焉嘗從張橫渠學易遂不復出有故人仕

河南尹召之清曰子以
富貴驕我邪卒不往

邵整

字宗舉清之子自號蒙谷遺老與景之以家學
自相師友教授生徒常百餘人邑人蘇大璋從
之游終其身整少常從合沙鄭

少襟學易傳六十四卦圖說

邵景之

字季山清之姪早負文名登第後攝教建寧
受業於籍溪胡憲之門官止莆田令景之幼

喪母事繼母以孝
聞所著有玉坡集

邵雲

靖康中金人陷蒲城雲集少年數百守城城破被執欲命以千戶長雲大罵不屈金人怒釘雲

五日而磔之有就視者猶咀血噴其面至抉眼擗肝罵不絕口

邵拱

字瑞文淳安人舉進士僉判漢陽軍通守南安尋知昭州以朝奉大夫致仕孫應豹號菊逸舉

進士歷官州郡

邵宏淵

大名人用韓世忠薦授閣門舍人紹興中與金人戰于真州大挺中興十三戰功之最仕

至定遠軍節度使

邵溥

紹興中除徽猷閣待制後除秘書省校書郎

邵成章

建炎初內侍以上書論黃潛善汪伯彥誤國除名南雄州編管久之高宗召赴行在其徒

忌諧遂止于洪州金人入洪州訪得之曰知公忠正能事吾主可坐享富貴成章不應脅以威亦不從遂釋之曰忠臣也吾不忍殺之遺之金帛而去

邵文炳

紹興間為於潛令興水利減山鄉折米價遷中書民懷其德政建祠于縣南與丞相葉衡

同祀

邵隆

高宗時先知高州以州與金人怏怏不已忤秦檜欲加之罪俾知辰州雖降為小郡而論事無隱守正不阿

邵及之

宜興人乾道中為司封郎時楊沂中封和王薨其子襲封及之曰國朝故事異姓王無襲封者雖趙韓王開國元勳亦止及身而已事遂寢後以徽猷閣致仕

邵困

字萬宗蘭溪人淳熙間登第教授漳州時朱文公為守薦其學行所著有禮記解讀易管見等

書

邵知柔

字民望政和人篤學有志操第進士累遷國子祭酒太子左庶子兼太子伴讀乾道初告

老除龍圖閣直學士奉祠知柔平生清白至是食或不給東宮以為言遣使就國學特賜金帛

歸以

邵大受

淳安人金部員外郎煥之從子登政和八年進士仕至刑部右侍郎立朝謇諤不畏強禦

邵朴

字古民永新人由左承事郎乾道八年差知縣事持行端謹辨獄詳明以憂去累官正郎

邵桂子

字德芳淳安人號玄同吳攀龍之子也鞠於所養因從其姓博學宏詞文聲大著登咸淳

七年進士第任處州教授棄官歸隱鑿池構軒其上名曰雪舟所著有雪舟胜錄雪舟胜談雪舟胜藁傳于世又嘗作忍默退四卦以自警晚年游松江遂居修竹鄉及終乃歸樞淳安之諫坡葬焉

邵應豹

字起南其先淳安人父游武昌生應豹遂家焉登嘉熙二年進士為常德府司戶歷知江

夏寶應潯州皆有善政後爵淳安縣男居九曲山下卒今祠之于學

邵光祖

其先河南人康節十世孫時從父宦游浙遂家焉性夷易非聖賢之書不讀有得樂以教

人吳中學者稱為五經師卒葬鄧尉山

元邵敬祖

宛丘人父喪廬墓三年母繼沒河決不克葬殯于城西敬祖露依其側風雨不去友人哀

欽定四庫全書

萬姓統譜
卷一百三

十四

之為縛草舍庇之前後居廬六年
兩髀俱成濕疾至治三年旌其家

明邵誼

字思宜休寧人洪武初以文學舉時母年八十
餘授本縣學訓導以就養善篆隸工山水尤精

紅梅墨菊自號瓜圃鋤雲調黥縣中書舍人詹
希原禮部侍郎朱同咸推重其字學弟孜字思
善聰敏能文善梅竹山水縣尹唐
子華畫擅當時孜盡得其妙秘

邵惲

洪武末新泰知縣廉以律已仁以撫
民在仕九年官無廢事邑無流民

邵伯正

嵎縣人先世居汴宋南渡居揚之高郵洪武
初徙居嵎伯正由鄉舉為南京戶部員外郎

善于經賦出納惟允時以廉能稱尋以江浙不
居戶部著令伯正遂謝事歸杜門好書與趙孟
頌孫趙雍相友善敦族明宗
纂叙圖系剡俗為之歸厚云

邵或

永樂中知安慶府德性寬厚未嘗疾言遽色事皆辦集六縣之民無不受戴

邵玘

字以先蘭谿人永樂丙戌進士累官至副都御史居家有孝行在官以威嚴憚吏遇事善斷所

至削妄費黜貪庸能舉其職

邵嵩

字惟嶽都昌人永樂辛丑進士授御史歷按廣東河南隨扈從山東討武定州及漢府有功賜劍鑄詩有三尺神鋒光皎潔一片精誠為白雪之句後忤權臣被謫景泰中屢徵不起士論歸之

邵宏譽

字德昭餘姚人永樂甲辰進士歷副使

邵旻

宣德初知武昌府性忠直為政公平三載間六事咸舉百弊悉除召為工部右侍郎

欽定四庫全書

萬姓統譜
卷一百三

十五

邵玉

字德溫鄞人舉宣德十年鄉試授汝州學正秩滿陞南寧及河間府學教授九年最績轉順天府學用兵部尚書馬昂薦擢雲南按察司僉事提督學校已乃以足疾納祿而歸性至孝痛母早喪即官輒萬里必將父以養其教士先嚴義利之訓以身為範嘗三典文衡得人為多有市首飾者直可百金妻取而玩之輕謂曰汝欲之乎使婦飾百金為之夫者難乎其為廉矣卒以清約終身門人李東陽表其墓

邵銅

字振聲閩人景泰進士天順中知博羅蒞政嚴明門無私謁能釐諸弊吏不敢為奸

邵蕃

字文盛餘姚人成化甲辰進士問學淵博操履清慎為政務簡易不事煩苛尤留意教化遇人賢不肯不見忿厲之容歷任九載始終不渝治行為江南第一擢監察御史提督學校

邵寶

字國賢號二泉直隸無錫人成化二十年進士知許州養士治民風動河洛歷戶部員外郎中

陞江西按察司提學副使以舅為教先行而後文咸稱得師遠近向慕陞浙江按察使貞介夙聞僚屬望而知敬明刑弼教動關風化尋轉浙江右布政署司事郡縣官視若嚴師禁革郡縣解戶秤頭火耗時鎮守中官欲奏開處州銀礦力言其擾民得不償失止之平生於聲色貨利絕口不道惟賢人君子前輩舊德則時常談及之歷陞副都御史總督漕運忤劉瑾勒致仕瑾誅陞戶部侍郎疏乞終養嘉靖初陞南京禮部尚書上疏懇辭之卒諡文莊寶質性淳懿學問博洽孝親睦族獎誨後進應務之才細巨皆適一時儒碩並以天下士稱之

邵新

字復初淳安人登成化五年進士第禮部儀制司主事歷本司員外郎陞郎中屢充會試提調

官蒙賜寶鈔織金文綺有差及賜敕誥褒嘉陞雲南布政司左叅政成化二十年致仕新為人倜儻歷練老成居官所至皆有能聲

邵敏

湘陰人事母孝母沒廬墓側三年一夕有虎來墓所敏了無懼色忽數鹿來逐之去墓旁產芝

數本人以為孝感所致成化間旌其門

邵崇

字民愛通州人成化丁未進士歷叅政

邵有良

字惟貞餘姚人成化丙戌進士任御史

邵清

字士廉江寧人清幼有至性母卒時纔三歲置於別室清號泣欲往視聞者異之長端潔好學弘治壬子舉於鄉授江西德化教諭教諸生必以孝悌節義為言束修問饋之儀無敢及門者

乙卯秋山東巡按聘典試事志在甄拔才俊高下咸自主斷巡按者素重清名不易也事竣即就道有謁贄者拒不受藩臬交章薦之考上選授監察御史教職擢臺臣自清始也

邵菁

字文實餘姚人由進士弘治間任通州知州溫雅明達煦煦愛民政舉民懷陞刑部員外郎累

官四川
布政使

邵錦

陝西商州人由舉人弘治十五年來知難澤縣時值大疲之後紀綱弛而人心翫錦修法度尚

寬和損益因俗而更張有漸賦役以時而催科不擾百姓便之無梗化者時值劉賊之亂城郭完人心固率賴以保障焉及去邑民思之立石頌德教諭東莞李一寧為之記

邵煉

字德成餘姚人正德辛丑進士歷陞雲南按察司副使丁憂改南贛兵備副使即致仕

邵錫

字天祐安州人正德戊辰進士歷都御史

邵庸

字伯綸當塗人正德戊辰進士歷副使

邵煜

字德明餘姚人正德辛巳進士歷副使

邵銳

字士抑仁和人正德三年舉禮部第一登進士改翰林庶吉士時值逆瑾擅政焦芳劉宇深相

結納芳子黃中宇子仁皆為庶吉士未幾遂傳旨俱授編修銳以甲第列子仁上亦併授焉恥

與為列方具疏辭免會伯兄邵欽至以危言沮之且曰以會元而得史職亦嘗分耳公議自在於汝何尤尋以父喪守制歸瑾敗詔革傳奉官亦併及之言者以非其罪服闋改寧國推官尋陞南京文選主事遷祠祭員外郎以疾告歸起為江西提學僉事陞福建提學副使抑浮崇實

兩省士習丕變歷湖廣叅政河南按察使廣東
山東左右布政使咸有惠政進為太僕卿引疾
告歸平生于天人顯微道品上罔不研究宅心
制行超絕時俗獨恥于近名不立門戶而闡然
日章咸服其為真道學云沒之日筭無
數金田僅百畝贈副都御史諡康僖

邵南

字文化烏程人嘉靖乙未進士授行人歷按察
副使南淳實敦確公廉清慎自弟子員以至宦
成好學不倦一時名流如劉清惠
凌時東施菁陽皆與之為友云

邵德

字明甫無錫人嘉靖丁未進士授長興知縣伸
冤抑扶善良大著政績未久憂卒于家民迄今
思之

召

召公奭邑其後因以為氏

周

召忽

齊大夫死
子糾之難

召虎

周宣王之臣王命伐
淮夷江漢之詩作焉

召不疑

秦人

漢

召信臣

字翁卿壽春人以明經甲科為郎遷上蔡長
視民如子後為南陽太守為民興利其化大
行號曰召父詔賜黃金四十斤遷河南太守治
行常為第一復增扶賜金竟寧中徵為少府列

于九

卿

召馴

壽春人少習韓詩以志義聞鄉里稱之曰德行
恂恂召伯春馴字伯春肅宗朝拜左中郎將入
授諸王經帝嘉其
博學恩寵甚崇

召平

廣陵人
塙陳王命
拜項梁為楚王

召歐

功臣封
廣侯

明

召鳴

衛輝人
正統中
陝西神木知縣

少

少昊氏之後

周

少連

善居
密

少典

東夷
之子

漢

少年唯

下邳
令

鈞

宋

鈞宏

眉州人紹興進士

妙

見姓苑

明

妙齡

河州衛指揮弘治辛酉領兵固原殺賊戰死

肖

漢

肖安國

肖炤

肖玉

肖雱

肖同

俱陳留人
見印數

明

肖靖

褒城人宣
德中解元

欽定四庫全書

萬姓統譜
卷一百三

二十

萬姓統譜卷一百三

欽定四庫全書

萬姓統譜卷一百四

明 凌迪知 撰

去聲

十九效

教

見姓苑

明

教輔直

永年人弘治中
山西稷山縣丞

孝

風俗通云齊孝支孫之後以諡為氏

宋

孝發

靖州
知州

欽定四庫全書

萬姓統譜
卷一百四

明孝廉

山東蒙陰人弘治中直隸難澤縣丞

校

音効周禮校人之後

唐

校傑

天寶中河南士曹

豹

風俗通云八元叔豹之後

三國豹皮公

魏騎將

淖

音鬧見姓纂魯恭王有美人淖姓

周淖齒

楚人燕伐齊楚使將兵救齊齊立為相淖欲與燕分齊乃數齊湣王三罪擢王筋懸於廟梁宿

昔而死

貌

見姓苑

周

貌辨

齊臣

效

見姓苑

二十號

暴

魏郡商音周諸侯暴辛之後

周

暴荐

將軍

暴辛

風俗通暴辛周諸侯也

暴鳶

魏將

漢

暴勝

字公子天聖中為直指使衣繡衣持斧鉞威鎮州郡惟雋不疑謁之

暴汜

淮陽太守

南
暴顯

字思祖館陶人祖喟仕魏為朔州刺史父誕恒州刺史樂安公顯幼時見一沙門指之曰此子

好相表大必為良將貴極人臣顯善騎射嘗從魏孝莊獵一日手獲禽獸七十三累遷徐州刺史封屯留縣公天統中遷位特進封定陽王

明
暴昭

潞州人為兒時寡言笑性耿介有峻節洪武中以國子生受大理寺司務歷寺副寺丞陞少卿獄獄平允罔有擇言還鄉不改其素平居麻履布袍而已及為兵部尚書值北平師起義形于色誓死之尋被夷族宣德中侍郎王士嘉弔其墓稱為古之遺直云

暴毅

蒲城人洪武中
任南康府知府

暴士弘

秦州人成化中
舉人任教諭

暴景曾

河內人成化中
臨川縣知縣

隆慶中山西解元暴孟奇戊辰進士任御史

郜

京兆角音周文王第十一子封于郜子孫以為氏

周

郜延年

宋大夫

漢

郜衡仙

見印藪

晉

郜玫

高昌長

唐 邵貞鉉

光宅登科

元 邵知章

樂平人家世業儒有詩名與司業王嗣能齊名世號王邵

明 邵安

儀真人永樂舉人任山東高密縣學訓導

邵惟忠

鄧州人宣德中廣東副使

邵猷

字洪漢福寧人天順間廣德順德縣教諭

邵琇

鹽城人嘉靖中任諸城縣訓導

嘉靖

丙辰進士邵大經字汝修吳橋人歷任山西參政

嘉靖已未進士邵光先山西長治人歷任都察院

右副都御史

嘉靖乙丑進士部永春直隸長垣人歷任御史

到彭城徵音楚令尹屈到之後以名為氏

南到質東平太守

到彥之字道豫彭城人仕宋以戰功進爵為侯佐守荆楚垂二十年威信為士庶所懷孫沼溉洽

俱知名溉官至吏部尚書卒諡忠公

到元慶彥之子益州刺史

到仲慶彥之子從事中郎

到搆字茂謙仲慶子彥之之孫龍爵建昌公南齊明帝立欲收物情以搆功臣之後自長兼左民郎

中擢為太子洗馬尋奪封與弟賁明帝崩弟賁讓封還撫朝議許之再遷左衛將軍後為五兵尚書廬陵王中軍長

史卒弟坦齊中書郎

到溉

字茂灌彥之之孫也與兄沼弟洽俱知名溉以清白自修梁武帝最所親愛累官至兵部尚書時任昉為御史中丞又有彭城劉孝之劉苞劉孺吳郡陸倕張率沛國劉顯及溉洽車軌所至號曰蘭臺聚有集二十卷梁以溉洽兄弟比之二陸故元帝贈詩及之

到洽

字茂公溉之弟清警有才學與兄溉從弟沆齊名梁武帝問侍詔丘遲曰到洽何如沆溉遲對曰正清過於沆文章不減溉加以清言殆將難及即召為太子舍人御幸華光殿詔洽及沆蕭琛任昉侍宴賦二十韻詩以洽辭為工賜絹二十匹上謂任昉曰諸到可謂才子昉對曰臣嘗

竊議宋得其武梁得其文五年

遷殿中郎六年遷御史中丞

到沆

溉之從弟五歲時父攜於屏風抄古詩沆讀之

二篇便能諷誦無所遺失既長勤學善知文工

篆隸梁天監初以高才碩學待詔學士省帝宴

華光殿命羣臣賦詩獨詔沆為二百字立成沆

立奏其文甚美三年以為殿中曹侍郎此曹以

文才選沆與從父兄溉洽皆相代為侍中世皆

榮之

到仲舉

字德言洽之子立身耿正陳文帝居鄉里嘗

詣仲舉及嗣位授侍中叅掌選事天嘉元年

守都官尚書封保安縣侯遷尚書左僕射改封

建昌縣侯太康元年遷侍中尚書僕射尋加貞

毅將軍金紫光祿大夫子郁尚文帝妹信

義長公主官至中書侍郎出為宣城太守

到遁

彭城人彥之孫元徽中為寧遠將軍蕭道成將行篡遁以力諫見殺

到鏡

溉之子五歲便口授為詩婉有辭況仕梁為太子舍人作七悟文甚美先溉卒

到蓋

仙之鏡之子也歷尚書殿中郎嘗從梁武帝幸京口登北顧樓顧雋作固帝曰以理而推宜作顧望之顧令羣臣賦詩蓋受詔便就作覽以示溉曰蓋定是才子因賜絹二十疋其見知賞如

此後除丹陽令

漕

見姓苑

漢
漕仲叔

漢書任俠漕仲叔西河人少子游亦以俠聞

奧

元 奧屯茂

大名人 大德間任河東陝西都轉運鹽使司運使有惠政既去民立像祀之

明 奧里俊

麻城人 洪武初餘干知縣

冒

衛青傳冒姓為衛氏音貌又左傳貪冒之民竝音墨

明 冒哲

如皋人 洪武中舉明經授本學訓導有造士聲子政官都御史

冒佑

如皋人 永樂舉人冠縣訓導

冒政

字有恒 泰州人任南京戶部主事歷員外郎郎中陞武昌府轉山東右叅政至布政使遷都察

院右副都御史巡撫寧夏劉瑾陷之逮就獄勒不屈瑾誅復其官致仕卒在任有善政居家能

孝受人皆稱之

冒鸞

字庭和如皋人年十六舉於鄉第進士改武庫主事壬戌會試充同考官所取多知名士陞郎

中淮揚備用馬舊納折色時欲令納馬鸞上章爭之得免有中官守備南京倚逆瑾奏討馬五十匹船五十隻鸞減其半陞福建左叅議

冒諍臣

如皋人正德中廣西興樂縣知縣

冒鳳

如皋人嘉靖中任肥鄉縣丞

萬厯間直隸高陽知縣冒守愚如皋人

聞

煎夫大

抱

漢末時把康避董卓難改姓抱

漢抱嶷

字道德安定石塘人居於直谷自言其姓把董卓時懼誅遂易氏父暗生逃獨與其母沒入掖

廷遂為宦人小心慎密累遷中常侍賜爵安定公

抱老壽

見印數

吳

明

吳方霖

崇德人正統中盱眙縣丞

好

火報切見纂文

嫪

郎到切見姓纂秦有嫪毐

告

見姓苑

導

見姓苑

耗

見姓苑

號

見姓苑

受

音到見直音又見千姓編

禾

音報見直音

聶

音奧見直音

瀑

見千姓編

閩 邑名見姓纂

二十一箇

賀

廣平商音姜姓齊公族慶父之後以字為氏又東漢侍中慶純避安帝諱改為賀氏

漢 賀純

字仲真少為諸生博極羣藝十辟公府三舉賢良方正皆不就復徵拜議郎數陳災異上便宜

數十事多見省

納遷江夏太守

三 賀齊

字公苗會稽人少為郡吏守剡縣長擊破山越後守太末長誅惡養善期月盡平累官咸武中

郎將又從孫權征合肥與陸遜討平鄱陽賊魏使曹休來伐齊往新市為拒休憚之遂引還領

徐州牧

賀邵

字興伯會稽人孫皓時遷中書令領太子太傅皓兄暴驕矜政事日弊邵上疏切諫皓深恨之

邵奉公貞正為親近所憚乃共譖邵被皓責竟遇害

晉賀循

字彥先會稽山陰人操尚清厲建武初拜太常朝廷疑滯皆諮之元帝渡江宗廟制度皆循所

定為當世儒宗

南賀瑒

字德璉循玄孫梁天監初為太常丞召見說禮義武帝異之初開五館以瑒兼五經博士時方

制定禮樂瑒所建議多見施行二子革琛並傳瑒業瑒有學術仕梁累官尚書左丞

賀道養

賀瑒之伯祖也工卜筮經遇工歌女人病死為筮之曰此非死也天帝召之歌耳乃以土

塊加其心上俄頃而蘇

賀德基

字承業會稽人世傳禮學少遊學都下積年不歸衣資罄乏嘗于白寺前逢一婦人脫白

綸巾以贈曰君為重器不久貧寒德基後位至尚書

賀琛

字國寶瑒之子也遷御史中丞時武帝年間任職者緣飾姦諂深害時政琛啓陳事條具奏後

侯景陷臺城琛被鎗未死逃歸鄉里

賀革

瑒之子字文明少以家貧躬耕供養年二十始輟未就父業精力不怠有六尺方牀思義未達

則橫卧其上不盡其義終不肯食通三禮及長偏修孝經論語毛詩左傳為兼太學博士長七尺八寸雍容都雅吐納蘊藉教於永福省為邵陵湘東武陵三王講禮為國子博士於學講授生徒常數百人出為西中郎湘東王諮議參軍

唐賀德仁

山陰人與從兄德基師事周洪正以文辭稱人為語曰學行可師賀德基文質彬彬賀德

仁兄弟八人時比漢荀氏太守王伯仁

改所居里為高陽云唐初仕為祭酒

賀知章

字真永興人為秘書監開元中遷侍郎兼集賢學士晚年號四明狂客天寶初乞歸田

里為道士詔賜

鏡湖剡州一曲

五代賀瓌

字光遠濮州人初事鄆州朱宣為都指揮使後歸梁累立戰功官至招討使卒贈侍中子光圖

仕宋

宋

賀恂

青州人慶歷登科

賀理

泰州人熙寧登科

賀元

瑯琊人得道不死宋朝章聖東封謁于道左曰晉水部員外郎賀元再拜而去

賀允中

紹興末為給事中權吏部尚書李顯忠居丹立與錢端禮賀允中曹勛蕭振日為棋酒之

樂徜徉
泉石間

賀惟忠

定襄人性剛果知書曉兵法初仕周知易州宋興授本州刺史兼易定祁等州都巡檢捍

禦有功撫士卒得其死力每乘塞用兵所向必克威名震北邊故十餘年間契丹不敢南牧

賀鑄

字方回衛州人性倜儻有大志喜談當世事元祐中累官泗州通判又倅太平州工詩詞為時

輩所稱服晚號慶湖遺老有慶湖集

賀德英

湘鄉人十歲能文淳熙間父以訟繫獄乃詣縣自乞廷試以贖父罪令問所習對以通毛

詩春秋語孟策與詩賦令各出一題授筆立就
遂薦于朝與金起巖等同試德英第一卒年十
四

金
賀揚庭

字公叟曹州濟陰人登天德間經義進士累
遷刑部侍郎轉山東東西路提刑使所至以

廉能稱除洺州防禦使歲饑諭蓄積之家出所
餘以糶之饑者獲濟人為立石終陝西西路轉
運使

元
賀貴

鄆縣人有材畧善攻戰關中兵後積尸滿野貴
為大塚收瘞之後助世祖以總管京兆諸軍與

魯卒追封雍
國公諡貞獻

賀仁傑

貴子金符總管仁傑從世祖南北攻戰得近
侍知無不言多所裨益仕為上都留守累遷

中書左丞請老賜錦袍
玉帶以歸子勝嚴留守

明
賀興隆

安化人元末率民兵保障鄉邑甲辰歸附太祖從胡海克寶慶授指揮討祁陽賊歿于陣

上賜勅褒之有曰唐兵未出睢陽之勢已孤智伯漸強晉陽之城已浸首雖可折心乃不移追封行中書省叅知政事為立祠祀之

賀銀

黃巖人洪武中領鄉薦累官宛平知縣有能聲歷陞通政司左叅議奏對詳明進工部左侍郎

尋以事左遷本部主事復陞通政使

賀祖嗣

字思恒西隅人永樂間進士歷行人刑部主事員外郎郎中擢大理少卿時閔安樂

王以逆受誅議者屠所郡祖嗣力言乃止

賀宗

湘鄉人宣德庚戌進士授大理評事嘗疏言湘鄉田稅增重歲遭水潦民苦徵輸請減三分之

一以紓疲民上從其請湘人賴以甦

息正統間浙寇起宗畫策討平之

賀懋

字時勉臨清人正統丁卯舉人任貴州道監察御史以言謫定海丞歷任太湖縣知縣寬恕公

明清慎仁愛所在咸愛敬之當其時民稱懋為賀清天云秩滿百姓保留之在任至十有二年

政績愈茂去之日民攀轅臥轍涕泣而留之

賀勛

湘鄉人景泰丙子鄉薦第一歷官雲南叅政以直著稱與俗寡合引疾還家屏居一室環堵蕭然

賀思聰

永年人天性純厚警敏業儒有聲成化乙未進士初授毫縣令吏民畏懷以憂去服除毫

人詣闕保請復任以終惠政擢光祿寺丞上眷重之陞本少卿思聰峭直不阿比忤當路清白自持民德之立生祠以疾告歸晚節益勵始終一節賀公可以為人師友衆確論之

賀欽

字克恭連東籍浙江定海人成化進士授給事中辭歸弘治初薦授陝西叅議復辭世稱醫閣

先生子士諮舉人博學篤行終身不仕

賀榮

字師桓錢塘人世以醫名家至榮博綜經史百家言喜論當世務疊疊可聽詩文務古雅而存理趣家多藏古法書名畫彝器之屬又善鑒賞經目輒定真贋仕至御醫致仕卒所著有存齋

稿二卷

賀霖

字時望鄱陽人成化進士弘治初以御史守蘇州郡民望而知其仁鼓舞相慶以勞瘁卒于官

道路相弔

賀廉

字以清吳縣人選於易成化癸卯中鄉試第二授訓導為人簡嚴以抗言忤當道致仕歸子元

忠壬辰進士

按察副使

賀鈞

字信夫廬陵人嘉靖間為府學教授退遜木慙以古道自處見上官不能俯仰與諸生言必依

孝弟忠信

聞者畏服

賀恩

字君錫儀真人嘉靖壬辰進士歷副使

賀鏤

字文卿咸寧人嘉靖丁未進士歷叅政

賀涇

字汝明廬陵人嘉靖丁未進士歷副使

賀承光

字子謙渭南人嘉靖甲辰進士歷行人

賀府

字應璧渭南人嘉靖乙未進士

嘉靖丙辰進士賀資孟津人歷僉事

嘉靖己未進士賀邦泰丹陽人歷提學副使

播

見姓苑唐置播州之姓

殷

播軌賢人

箇


見姓苑

坐

見姓苑

化貨見姓苑

磨子思出母磨化



萬姓統譜卷一百四

欽定四庫全書

子部

萬姓統譜卷二百五
六

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣嵇承志

謄錄監生臣劉文耀

欽定四庫全書

萬姓統譜卷一百五

明 凌迪知 撰

去聲

二十二禡

謝陳留商音炎帝之胄周宣王之舅姜申伯封于謝以
邑為氏

周謝恩

曹人

漢謝該章陵人明春秋左氏為世名儒門徒數百人建
安中河東人樂詳條左氏疑滯數十事以問該

皆為通解之名謝氏擇後拜議郎屢陳忠言再遷議大夫

謝夷吾

字堯卿山陰人少為郡吏太守第五倫禮信之舉孝廉為壽張令永平十五年蝗發太山

流徙郡國洊食五穀壽張飛遊不集稍遷荊州刺史章帝駕幸魯陽詔夷吾錄囚夷吾決正一縣三百餘事事與上合上歎息曰諸州刺史盡如此朕不憂天下邊鉅鹿太守所在愛育人物有善績第五倫嘗令班固為文薦之後以行春乘柴車從兩吏冀州刺史上其儀序失中有損國體左轉下邳令豫

尅死日如期果卒

謝弼

字輔宣武陽人中直方正為鄉邑所宗師靈帝時舉有道對策除郎中時青蛇見殿前大風拔木弼上封事言切直去官歸家曹節從

子紹忿疾于弼遂以他罪收拷死獄

謝甄

字子微汝南召陵人與陳留邊讓並善談論俱有盛名共侯林宗未嘗不連日達夜林宗謂門

人曰二子英才

有餘並不入道

三謝譚

處士也會稽太守召之為功曹譚辭疾太守曰龍以屈伸為神鳳以嘉鳴為貴何必隱形于天

外潛鱗于

重淵哉

謝承

字偉平山陰人為吳郡督郵歲稔有嘉禾六穗生於部屬遷長沙東郡都尉博學洽聞撰後漢

書百

餘卷

晉

謝鯤

字幼與陽夏人父衛國子祭酒鯤少有高識好老莊累官豫章太守蒞政清肅百姓愛之子尚

謝尚

字仁祖鯤之子幼有至性鯤嘗携之送客或曰此兒一座之顏回也尚曰坐無尼父焉別顏回

席賓歎異及長襲父爵咸亭侯王戎辟為掾累遷鎮西將軍鎮壽春尚採拾樂人并制石磬以

補大樂江表有
鐘石樂自尚始

謝安

字安石陽夏人少有時名朝命敦逼皆不就人為語曰安石不起當如蒼生何年四十餘始應命為司馬桓溫深重之尋除吳興太守去後為人所思慕之徵拜侍中遷吏部尚書苻堅入寇京師震恐安方對客圍棋適謝玄等破堅驛書至看畢了無喜色棋如故客問之徐答云小兒輩遂已破賊既罷還內過戶限心喜甚不覺屣齒折其矯情鎮物如此嘗疑劉牢之不可獨任又知王裕之不宜專城後皆如其言識者服其知人安雖受朝寄然東山之志始末不渝遇疾篤謂所親曰桓溫在時吾常懼不全忽夢乘溫輿行十六里見一白雞而止乘溫輿者代其位也十六里止今十六年矣白雞主酉今太歲在酉吾病殆不起乎乃上疏遜位尋卒年六十六

贈太傅

諡文靖

謝石

安弟仕晉為將軍征討大都督與兄子玄琰破苻堅時童謠云誰謂爾堅石打碎後遷尚書令

封南康郡公

謝沈

字行思博學多識綜練經史察孝廉內史何充引為叅軍母老去職不交人事耕耘之暇研精墳典康帝即位朝議疑七廟迭毀徵為太學博士以質疑滯何充庾永共稱數之遷著作郎沈著毛詩漢書外傳及詩賦

文論其學在虞預之右

謝奉

字弘道歷安南將軍廣州刺史吏部尚書後免官東遷道遇謝安停三日共語安欲慰其失官奉輒引以他端雖信宿竟不言及此事安謂同舟曰謝奉固是奇士

謝玄

字幼度太傅安之侄也少為安所器重及長有經國才畧屢辟不起苻堅侵寇時求文武良將

可以鎮禦北方者謝安乃以玄應舉郗超聞而歎之曰安違衆舉親明也玄必不負舉才也於是拜建武將軍兗州刺史領廣州相監江北諸軍事敵人畏之進號冠軍加領徐州刺史以功封東興縣侯又加都督徐兗青司冀幽并七州軍事封康樂縣公玄遇疾求解職疏十餘上乃授會稽內史與疾之郡卒於官追贈車騎將軍開府儀同三司諡曰獻武

謝奕

安之兄桓溫辟為安西司馬在溫坐岸幘笑詠嘗逼溫飲溫入南康主門避之主曰公若無狂

司馬何由相見奕携酒就廳事引一兵帥共飲曰失一老兵得一老兵溫不之責

謝萬

字萬石安弟也昇平二年為吳興太守器量不及安而善自衒曜簡文帝聞其名召為從事中

郎常著白綸巾披鶴氅裘與帝共談移日王羲之雖嘗稱其偉器要亦不過清談之流也

謝琰

字瑗度安子弱冠以貞幹稱美丰姿與從兄談雖比居不住來宗中子弟惟與才令者數人相

接拜著作郎轉秘書丞苻堅之役安以琰有軍國才用出為輔國將軍同玄陷陣破敵以勲封

望蔡公後徵為尚書左丞

謝邈

字茂度安之從子為吳興太守值孫恩之亂為賊所執逼令北面邈厲聲曰我不得罪天子何

北面之有遂遇害

謝混

字叔源琰子風華為江左第一桓玄欲以安宅為營混曰召伯仁及甘棠文靖之德不能保五

畝之宅乎三世僕射

謝敷

字慶緒性澄靜寡慾入太平山十餘年辟命皆不就初月犯少微一名虞士星古者以隱士當

之時譙國戴逵有美才人或憂之俄而敷死

南
北謝景仁

安從孫仕宋為大司馬遷左僕射弟純純子

殿中郎從弟方明方明子
惠連從子靈運皆有時名

謝純

字景懋劉毅鎮江陵以為衛軍長史南平相及

王鎮惡襲毅毅時病佐史聞兵至馳還入府左
右引車欲還外解純叱之曰我人吏也逃

謝晦

字宣明陳郡陽夏人晉太傅裒之玄孫晦初為
孟昶建威府中兵叅軍宋武帝命為太尉叅軍

從征司馬休之武帝欲自登岸諸將諫不從晦
前抱持帝曰我斬汝晦曰天下可無晦不可無

君晦死何有後
為梁周超所害

謝疇

字宣鏡晦弟年數歲所生母郭氏疾疇晨昏溫
清勤容戚顏未嘗暫改恐僕役營疾懈倦躬自
執勞母為疾畏驚而微踐過甚一家尊卑感疇
至性咸納屨行屏氣語如此者十餘年佐黃門

侍郎

謝澹

字景恒安孫任達仗氣不營當世與順陽范
泰為雲霞之契歷位尚書累遷光祿大夫

謝善勛

會稽人能為八體六文方寸千言京兆韋仲
善飛白竝在湘東王府善勛為錄事參軍仲

為中兵參軍府中以協優於韋仲而減於善勛
飲酒至數斗醉後輒張眼大罵雖復貴賤親疎
無所擇也時謂之謝方眼胃
襟坦夷有士君子之操焉

謝述

字景先純弟少有至行純遇害述奉喪還都至西塞遇暴風純喪舫流漂不知所往述乘小船尋求經純妻庾舫過庾遣人謂曰小郎去必無及寧可存亡俱盡耶述號泣答曰若安全至岸尚煩營理如其已致意外述亦無心獨存因冒浪而進見純喪幾沒述號呼叫天幸而獲免人以爲精誠所感武帝聞而嘉之歷司徒長史

謝方明

陽夏人父冲家于會稽劉穆之嘗曰謝方明可謂名家駒仕宋爲會稽太守除比伍之坐判久繫之獄東土稱之子惠連

謝靈運

玄之孫家于上虞少好學博覽羣籍文章爲江左第一仕宋爲永嘉太守襲祖父封爵故世稱謝康樂孫超宗好學有文辭嘗作殷淑儀誄孝武帝嗟賞曰超宗殊有鳳毛仕爲義興太

守

謝惠連

方明子十歲能屬文族兄靈運嘉賞之云每有篇章對惠連輒得佳句嘗於永嘉西堂思

詩竟日不就忽夢見惠連即得池塘生春草大以為工常云此有神助非吾語也官司司徒彭城王義康法曹行參軍又為雪賦以高麗見奇靈運見其新文每曰張華重生不能尚也文字並

行於世年

三十七卒

謝瞻

字宣遠六歲能屬文與從叔混族弟靈運俱有盛名嘗作喜雪詩靈運寫之混誅之王弘在坐

以為三絕

謝弘微

萬之曾孫叔父混異之曰是兒深中夙敏沈約曰簡而不失淡而不流古之所謂名臣弘

微當之

謝朓

字玄暉少好學有美名文章清麗善草隸長五言詩沈約嘗云二百年來無此詩選尚書吏部

郎好獎人才孔閨粗有才華未為時知孔珪嘗令草讓表以示朓朓嗟吟良久自折簡寫之嘗

直中書省賦詩有蒼苔依

砌上紅葉當堦翻之句

謝岐

山陰人少機警好學為梁山陰令侯景亂流寓東陽後歸陳參預機密官至中書舍人

謝莊

字希逸七歲能屬文文帝見而異之謂劉湛曰藍田生玉豈虛也哉後為隋王誕軍諮議領記

室時南平王錄獻赤鸚鵡徧詔羣臣為賦素叔文冠當時作賦畢示莊及見莊賦嘆服遂隱已

賦永建元年

遷吳興太守

謝淪

字義潔，淪之弟。少簡靜，有韻度。王或見而異之，言於宋孝武。孝武召見於稠人廣衆中，舉動閑

詳，應對合旨。孝武甚悅，僕射褚淵聞淪年少，清

正，以女結婚。解褐車騎行參軍，遷秘書郎、司徒祭酒、丹

陽丞。

謝鳳

元嘉中為鄞令，在任未幾，惠政大孚於縣。東二里造方勝碑，以畜水。歲溉田五千餘頃。碑北阻

大溪，復架石為梁，民不病涉。因名謝鳳橋。建祠於碑南，像而祀之。水旱蝗疫，有禱輒應。

謝媛

梁東陽太守扶，滿去官，郡民送錢一萬，止留一百民，強納之。答曰：「數多劉寵更以為愧。」至陳時

復為東陽內史，風俗頽敗，甘事二姓，則習以為常，恬不知愧也。

謝朓

字敬冲，陳郡陽夏人。幼聰慧，父莊常器之。七歲能屬文，莊游土山賦詩，使朓命篇。朓攬筆便成。

琅邪王景稱為神童後仕宋為衛將軍宋明帝嘗敕朐與謝鳳子超宗從鳳莊門入二人俱至超宗曰君命不可以不往乃趨而入朐曰君處臣以禮遂退不入時人兩稱之以比王尊王陽與河南褚炫濟陽江教彭城劉悅號天子四友

謝覽

字景滌淪之子天監中出為吳興太守中書舍人黃睦之家居烏程子弟專橫前太守皆折節事之覽未到郡睦之子弟來迎覽遂去其船杖吏為通者自是睦之家杜門不出不敢與公私門通郡境多劫為東道患覽下車肅然一境寧謐淪兄朐亦為吳興太守有治績

謝舉

字言揚與兄覽俱預元會江淹一見並相欽挹曰所謂馭二龍于長塗者也

謝諲

朐子不妄交接門無襍賓有時獨醉曰入吾室者但有清風對吾飲者唯當明月位右光祿大

夫

謝哲

字穎豫諱子美風儀舉止醞藉襟情豁朗為士君子所重累遷至廣陵太守

謝幾卿

靈運孫幼清辨當世號為神童年十一補國子生齊文惠太子自臨策試謂祭酒王儉曰

幾卿本長玄理今可以經義訪之儉承旨發問幾卿隨事辨釋辭無滯者文惠大稱賞焉累遷為太尉幾卿於家門篤睦姪藻幼孤幾卿撫養甚至及藻成立歷清塗皆幾卿獎訓之力也世以此稱之

謝昌寓

陳郡人為劉悅廣州參軍孝性甚重嘗養一鵠昌寓病二旬而鵠二旬不食昌寓亡而鵠

遂飛去

謝嘏

舉子字舍茂風神清雅頗善屬文為太子左庶子建安太守歷侍中中書令都官尚書卒諡曰

光有文集行於世子儼

位侍中遷尚書僕射

謝儵

郡族字國美父玄度位侍中儵素貴嘗一朝無食其子啓欲以班史質錢答曰寧餓死豈可以

此充食乎太清元年卒弟札字世

高亦博涉文史位湘東王諮議

謝貞

字元正陳郡人幼聰敏有至性祖母苦風眩每發不能食貞時年七歲亦不食親族奇之八歲

嘗為春日閒居詩有風定花猶落之句舅尚

書王筠奇之曰追步惠連矣後歷尚書右丞

謝裕

字景仁安之從曾孫博聞強識仕晉為著作郎入宋拜大司馬累遷左僕射先是武帝欲伐慕

容超朝議不可裕獨曰公建桓文之烈應天人

之心宜推亡固存廣振威略豈容縱敵為患哉

帝從之及卒贈
金紫光祿大夫

謝孺子

裕孫少與族兄莊齊名多藝能尤善聲律與
王或宴于相臺孺子吹笙起舞嘆曰今日真

使人朝朝有伊洛間意為新
安主簿出為廬江郡太守

謝璟

裕孫少與從叔腓俱知名齊竟陵王子良開西
邸招文學璟亦與焉位中書郎天監中為左戶

尚書再
遷侍中

謝徵

字玄度裕玄孫美風采好學善屬文位兼中書
舍人與河東裴子野沛國劉顯同官友善時魏

中山王元略還北武帝餞於武德殿賦詩三十
韻限三刻成徵二刻便就文甚美帝再覽焉官
至蘭陵太守有
文集二十卷

隋謝蘭

字希如陳郡陽夏人晉太傅安之八世孫也父經魏北中郎諮議參軍蘭五歲時父未食乳媪

欲令先飯蘭終不進舅阮孝緒聞之嘆曰此兒在家則曾子之流事君則蘭生之匹因名曰蘭稍授經史過目便能諷誦孝緒每曰吾家陽亢也及丁父憂晝夜號慟毀瘠骨立母阮氏常自守視譬扣之服闋吏部尚書蕭子顯嘉其至行擢為王府法曹行參軍累遷外兵記室參軍衛州人貞觀初應詔對策高第太宗聞其善賦召見帝先為序頗言天下乂安功德茂盛授偃偃緣帝命為述聖賦甚有規諷之意帝善之時人稱為謝賦

唐謝偃

字景初興國人唐末與父帥義兵征蠻功第一後又經制容管叛卒止誅首惡脅從罔治逆黨

謝肇

遂平優

詔獎諭

謝玄卿

遇神仙見丹柯碧葉微風時叩五音相節即琅邪樹也又設素鱗脂斑螭隨玄洲白柰空

洞靈瓜扶桑丹椹瓊飴酒桂腦芝英彈八琅之璇吹業霄之笙作回鸞轉鳳之舞

謝昇

資州人父立為達州推官因家焉以上書教正言鄒果斥為邪等

謝瞳

字子明福州人累舉不第以朱全忠署右職仕唐為通陵州刺史頗有政績遷亳州團練使宣

義節度觀察

留後卒于官

謝元超

武德初潤州刺史築南北二塘以溉田民賴其利

謝脩

龍溪人隱於青樵文圃山自廣明西幸人多忍耻以事虜獨脩遁跡必俟光啓迴鑒乃出尋擢

上第

五代謝文節

福州人初仕閩為候官令後入南唐為忠烈都虞候饒州團練使以驍勇聞周世宗南征

文節獨擢甲渡大江潛覘敵營壘人

號為鐵龍後守鄂州拒宋師戰沒焉

宋謝濤

字濟之富陽人以文學稱登淳化初第為梓州權監判官李順反成都濤畫計守禦以功遷觀

察推官權知華陽縣亂後理民田廬盡歸舊主改著作佐郎知興國軍真宗考吏籍朝士有治

迹者二十四人濤在選中召對長春殿賜五品

服知曹州奏免曹州輸運之艱使益利兩路回

舉所部三十餘人宰相疑其多濤乃陳諸吏治

狀願連坐奉使舉官連坐自濤始官至太子賓

客卒范仲淹稱濤清淨而文出入朝廷三十年

語默仁義進止於青雲之衢徐如也歐陽修銘

其德納諸富

陽之原子絳

謝泌

字宗源歙人舉進士累官右諫議大夫太宗時修正殿泌諫不當用采繪亟命代以丹堊且獎

其忠蓋後知福州代還民為立去思碑泌知人能薦士每發薦牘必望闕再拜曰老臣又為陛下

下得一人後皆至卿相王

文正公旦亦其所薦也

謝炎

字化南嘉興人為文慕韓柳與盧稹齊名時謂之盧謝端拱初舉進士補昭應主簿知華容公

安二

縣

謝茂希

肇之裔建隆初以武藝顯官至銀青光祿大夫檢校右散騎常侍兼御史大夫

謝德權

字士衡文節子自南唐歸宋補殿前承旨咸平初宜州蠻叛從陳堯叟經度單騎入蠻境

諭以朝旨衆咸聽命累遷西染院使知泗州德權清苦幹事多所經畫見官吏徇私者必面斥

之所至

整肅

謝絳

字希深富陽人父濤有文行進士起家累官至太子賓客絳舉進士甲科為兵部員外郎為人

修潔醞藉以文學知名嘗歷州縣所至大興學舍有文集五十卷四子皆仕于時

謝景初

字師厚絳子慶厯間登進士第知餘姚縣有政績以屯田郎致仕博學能文尤長于詩弟

景溫皇祐中進士景平亦登皇祐中進士好學著詩書傳說數十篇仕終秘書丞景回好學年十九以文知名

謝昌元

開慶元年知施州自備緡錢百千米麥千石初築城壁于倚子山四月詔進官一秩

謝伯景

字景山晉江人天聖二年進士為許州法曹詩文雄健高逸歐陽修嘗稱之云余謫夷陵

時景山在許州所寄多佳句如自種黃花添晚
景旋移高竹聽秋聲園林換葉梅初熟池館無
人燕學飛皆

無愧於唐賢

謝景溫

字師直富陽人絳子也第進士歷江東轉運
判官神宗初徙知真州及為淮南轉運使與

王安石善驟擢侍御史安石方惡蘇軾景溫遂
承意誣劾軾窮究無實迹又助章惇五溪之役
論功拜禮部侍郎元祐初知開封府中丞劉摯
言其非撥冗吏司諫王觀論其在郡為妖婦所
惑於是罷

知蔡州

謝訶

字正臣光澤人幼聰穎未冠舉于鄉治平四年
舉進士初調臨川令戢譁健省追呼人謂之謝

冰壺又謂之謝銅釘言其清且剛也歲大饑訶
出賑濟當除夕家人以書促之歸訶批紙尾云

歲節不歸第不飲數十盃酒耳人失食奈何竟宿于外後守汀州累贈宣奉大夫

謝皓

字德夫誦姪入太學與游權老龔吉老齊名時人目為三老登元豐進士歷瑞州司理獄無苛留吏不敢欺擢金部郎大觀三年遼使至需索無厭上命皓待之皓入對曰不疑於物物亦誠苟待之以誠彼雖無知亦當屈服由是遼使無他辭遷司農少卿

謝文瓘

字聖藻陳州人進士甲科累官集英殿修撰知濟州上疏言臣下推行新法榜笞禁錮民受其虐大臣以為訕神宗曰彼謂奉法者非其人爾何訕也子眎知汝州欽宗時上封事十篇

金人犯汝州眎戰死

謝文龍

字德翔惠安人學問該博文詞敏贍陳覺民深器重之范祖禹莊公岳稱以國士嘗著野

議十篇有詩
文號菱漢集

謝良佐

字顯道上蔡人學于程門記問該瞻對人稱前史至不差一字與程願別一年來見問其

所進曰但去得一矜字願嘆其善學謂朱光庭曰是子力學切問而近思者也所著有論語說金堂人元豐進士官至國子博士伊川高弟嘗自蜀入京師過洛見程子子曰何之曰將試教官子曰吾嘗買婢而欲試之其母怒曰吾女豈試者今求為人師而試之其不為此媼怒者幾希湜遂不行

謝佃

字用休一名天申居謝奧里游洛從伊川學永嘉洛學自許景衡始而用休與潘旻繼之今程

氏全書載問答四篇伊洛淵源載問答一篇皆根據至理則其所得於程氏者深矣後以賢良

薦知閣門事及卒

葬所居里梅壑山

謝允昌

字孝孫亦肇之裔宋熙寧間以太學生上書召對賜進士出身慷慨不苟合以言忤執政

不至顯官倖曲江有惠利及民司馬光欲起為大理丞不赴遂致政家居綽有風節謝鈞登元祐進士清臣亦馳文聲皆其後人云

謝安時

字尚可政和人博通經傳涉筆成文宗寧大觀間以兩優貢入辟雍謁告歸復預鄉薦靖

康之變携家隱西坑別墅庭植三桂號桂堂居士後以累舉得官卒不拜終於家鄉人挽之以詩有不肯上書遊北闕只緣留意在東山之句

謝季成

字子立晉江人父微職方郎中季成以蔭歷大理寺評事衛尉丞熙寧中累遷內藏庫使

知宜廉融邕四州廣西鈴轄峒蠻侵叛悉討平之合浦築城浚隍備禦之具為一路最邕莞外寨戍兵歲物故常千餘以峒丁代戍而教之不失備且可救死亡民以為便元祐中卒于官邕人廟祀之號清戎將軍

謝舉廉

字民師新喻人政和間以進士知南康善政不一尤工於詩受知東坡有藍溪集

謝貺

知汝州欽宗即位上封事十篇論事切至後提點京西北刑獄金人犯汝州貺自襄陽領兵往

援之戰死

謝逸

字無逸臨川人也屢舉進士不第以詩文自娛號溪堂學者稱溪堂先生嘗寄隱士詩云先生

骨相不封侯卜居但得林塘幽家藏玉唾幾千卷手校韋編三十秋相知四海孰青眼高卧一

庵今白頭襄陽耆舊節獨苦只有龐公不入州
語意跌蕩蓋以自寓又有詩曰貪夫蟻旋磨冷
官魚上竿又曰山寒石髮瘦水落溪毛凋大為
黃魯直所稱賞曰晁張流也所著有春秋廣微
樵談其他碑啓禠論凡數百篇淳熙中太守趙
曄繪其像于學祀之

謝邁

字幼槃逸之弟也自號竹友以詩文媲美其兄
時稱二謝昌本中云謝康樂詩規模宏大為一

時冠玄暉清新獨出又自有過人者無逸似康
樂幼槃似玄暉又云幼槃與兄無逸修身厲行
在崇觀間無所汚染不獨以文見稱兄弟
所為文俱傳世所為詩俱入江西詩派中

謝如意

邵武人宣和中為南劍州司錄事福兵叛害
其帥擁衆數千道出南劍如意白太守曉以

禍福守即遣如意往諭之衆聽命乃
面縛其兇渠二十餘人赴郡斬之

謝洪

武宣人與弟澤俱博學有文人號謝家二鳳宣和中相繼出仕凡中朝士夫遷謫于此州者多

館其家

謝潛

字致虛長汀人讀書過目終身不忘崇寧中應博學宏詞調瀛州教授上封事譏切時事坐元

祐黨籍建元初畫取二

聖圖以進終奉議郎

謝發

永康人五子固田因圓因迭魁太學號四州五鳳

謝諤

字昌國新喻人幼敏慧日記千言為文操筆立就紹興末舉進士知分宜縣有惠政擢監察御

史上其所創義役法詔行于諸路光宗登極獻十歲累遷御史中丞尋以煥章閣學士知泉州

所著有聖學

淵源五卷

謝方叔

字德方威州人第進士歷官殿中侍御史請行限田請錄朱熹門人胡安定呂熹蔡模詔

皆從之累遷端明殿學士僉書樞密院事叅知政事淳祐九年拜叅知政事封永康郡侯十一年連拜左丞相兼樞密使

進封惠國公卒贈少師

謝淳

字景祥瀏陽人建炎間孟彥卿通判潭州州賊杜彥叛戕彥卿淳倡率衆兵為先鋒擊賊不克

被害事聞贈龍圖閣成忠郎其子晞古亦被難朱熹刺潭祠之

謝勳

字致遠建安人少孤寒及長膂力過人舉進士累歷邊任黃州首領黃安俊叛近臣薦勳才武

可任召對稱旨勳會兵進擊擣其巢穴追獲安俊斬之轉右武大夫邊郡團練使死贈威德軍

節度使加

贈少師

謝孚

字允中授真州司法叅軍蘄州教授召為博士擢秘書省校書郎後為尚書比部郎除吏部員

外郎提舉河東路學事

利州路轉運判官卒

謝英

字楚華寧鄉人讀書于石桂山博學好古聞岳武穆被害乃隱居道林教授子弟孝宗累辟之

不起所著有志伊錄

白雲稿循吏龜鑑

謝孝義

母娶居守節疾甚劇割肉以療之鄉民狀其事與郡將提刑留筠攝事給郡錢米即其所

居榜曰孝

義之門

謝師稷

字務本邵武人淳熙中為集英殿修撰謝氏之族盛于江左求其純德懿行操履端潔始

終無瑕未有出公之右者閒居子

孫環侍每以持身居官大節為訓

謝深甫

字子肅臨海人刻志為學乾道初登進士累官端明殿學士僉書樞密院事後拜右丞相

封魯國公深甫為相守法度惜名器能扶持朱熹蔡元定正學寧宗時以少傅致仕其後孫女為理宗后追封

信王諡惠正

謝公旦

崇仁人性孝友簡淡嘉定中進士官至福建漕考覆鹽課民甚便之卒于官弟琳以廉稱

官至左右司出知徽州過家哭兄一慟而逝

謝麟

字應之甌寧人嘉祐中第進士再調石首令疊石障江人號謝公隄通判辰州招捕搖寇一方

以寧累官直龍圖閣歷知江寧屬翔府渭柱二州以計平融江夷戍兵不利水土麟措置得宜賴以全活者衆

謝汝明

字如晦建寧人年十八領鄉薦登嘉泰壬戌第兩調民曹繼辟柳之宜章令邑有大盜號

飛虎頗難調馭汝明一結以恩信得其歡心又有神曰武靈侯廟有神老數十輩倡妖言惑衆每歲迎奉謂不樂從橋必涉水以濟入邑令必避堂以居之否則大災汝明置神老于獄語之曰災則必戮汝以謝百姓神老皆泣拜且服妖狀邑亦無災民惑遂解

謝璉

字公玉祁門人嘗從朱子講學言行醇正為世名儒寶慶二年由特奏名授廸功郎龔州助教

謝徽明

當陽尉攝縣事元兵至徽明出戰敗二子趨救抱父屍皆死之

謝夢生

字性之一字孟頫永嘉人少力學與陳埴葉味道為同志友聖經賢傳靡不研究由是所

得沛然有餘下筆疊疊不自休名重當時趙善得亟稱之以女妻焉登嘉定第教授無為軍辟

淮西轉運司幹官知上虞縣除武學博士遷樞密院編修官兼都官郎出知安吉州召為宗正

丞兼戶部郎改秘書丞知汀州以疾致

仕卒第挺之同登第終通判安吉州

謝應瑞

泉州人淳祐六年郡饑應瑞非因有司勸分自出私錢四十餘萬糴米以賑鄉井所全活

甚衆詔補進義校尉

謝子强

字强學永嘉人登嘉定第由州縣陞朝著歷大府丞工部刑部郎出知嘉興府復以秘書

監兼左諭德除起居郎尋奉祠召為兵部侍郎擢侍制出守潭廣越明四州卒於寶章閣直學

士諡清惠子强踐駁中外回翔要津所更數鎮皆東南藩庶之邦仕者歆慕焉

謝履

字履道惠安人嘉祐二年進士調南縣主簿歷清溪令視泉州為本貫動循禮法人無間言熙

寧中主都水監遷丞塞曹州靈平決河有功法
當改官不自言知婺州前此為守者主廩之入
皆易物帛履罷任載緡錢北還尋乞
致仕終于家有雙峰詩集行于世

謝伯宜

字晞聖龍溪人知長興縣開水利蝗不入境
諸臺以聞遷奉議郎賜緋官至承議郎歷仕

凡六司議識者
四平反為多

謝堂

字升道天台人深甫曾孫淳祐二年賜
除直寶章閣刺平江年踰弱冠闕

憲使令

驟以獄事屬之有一案而直
八十餘家者累官樞密使

謝綽中

政和人時方崇尚王氏新經綽中闕
朱松為尉見而奇之即與俱歸勉闕

未致禮

紹興中第進士調泰寧簿自以不能
俯仰領祠而歸所作遺文朱熹為序

謝枋得

字君直弋陽人為人豪爽以忠義自奮德祐初以江西招諭使知信州遣將與元兵戰不

利乃變姓名入建寧山中元初大臣屢薦輒辭有怒者逼以北行至元都問謝太后攢所及瀛國公所在再拜慟哭不食而死妻李氏携二子在貴溪山中後被執亦自經死

謝敞

字彥章詞之子少有文名元祐中第進士提舉河北常平因改鑄當十大錢奏言誘民為奸利

舊錢且盡不可蔡京惡其不

附已連貶竄後通判潭州

謝端

遂寧人宋末避兵江陵因家焉弱冠時與江都宋本同師王奎文明性理之學又同教授江陵

城中時號謝宋後本擢進士第一仕至工部尚書端亦累官翰林直學士

謝升賢

字景芳仙游人號恕齋與陳沂為友端明中登第官至循州興寧令漕使方大琮理刑楊

大異皆薦升賢宜亢師儒之選有太極

圖西銘中庸大學解刻于廉泉書院

謝翱

字臯羽福之長溪人徙浦城侗儻有大節刻厲憤激不混流俗意所不顧雖萬夫莫回每慕屈

平托興遠遊因號晞髮子宋亡文天祥被執翱悲不能禁嚴有子陵臺孤絕千尺值天涼風急

挾酒登之設天祥主跪酌號慟取竹如意擊石

作楚歌招之歌闌竹石俱碎翱志益汗漫浩不

可禦視世間無足當其意者獨好佳山水遇即

恣遊倦輒訪隱流方鳳吳思齊輩歌吟取適至

元甲午來家西湖至次年乙未沒年四十七臨

歿囑其家曰

骨與韶卿子善已而鳳與

思齊果至與方幼

學葬之子陵臺南

元謝仲溫

豐州人畧涉書史見世祖於野狐嶺命備宿衛中統間擢平陽太原兩路宣撫使陞順德

路總管歷湖南淮東
宣慰使所至有政績

謝讓

穎昌人幼穎悟好學累官戶部尚書更定田法
民甚便之轉刑部尚書詳定律令凡六部疑事

悉聽裁決後拜侍御

史卒追封陳留郡公

謝景章

號樵隱祁門人問學該洽嘗提領浙右閭田
厭俗而歸與同儕講明詩社率其子闕居邑

之小壺天有聚德

堂汪克寬為之記

謝俊民

字章甫號適齋祁門陽源人值元季隱居不
仕築雲深塢樂安莊書舍與汪克寬為友講

明道學所著文有玉泉

詩有寓意藁藏于家

謝暉

字彥實先資陽人識見通敏聞武康石塘闕長
孺以德學淑後進往受業其門或勸習舉子業

答曰學以博通古今資文行耳仕美急急哉時
趙文敏公以書名天下見而愛之好以書法比
家居藩帥郡守詣門請交一無干求為詩文簡
淡雋永作字亦有法人以得其尺牘片楮為榮
與人交一以義人有一善
必揚之足未嘗入城府

明

謝應芳

字子蘭武進人自幼篤志留心性理之學尤
工詩文元末避地吳中本朝平定始居毘陵

年九十七終所著有思賢錄
辨惑編毘陵續志龜巢集

謝肅

上虞人學問該博洪武中以明經舉授福建按
察司僉事所著有密菴稿與唐肅齋名時號會

稽二

肅

謝徽

字元懿長洲人洪武初應召修元史授翰林編
修兼教功臣子弟辭歸洪武六年再起為國子

助教博學工文詞與高啓齊名所著有蘭廷集弟恭字元功亦能詩所著曰蕙廷集

謝子襄

名襄以字行新淦人洪武末以才薦授青田縣有惠政歲滿民奏留之特陞處州知府郡

多虎蝗及旱子襄禱于神大雨二日蝗盡死虎亦遁去子襄性廉靜歷官三十年不以家累隨門無私謁仕優暇日讀書吟詩而已

謝士毅

洪武初知嘉興府內附之初民始休息士毅勤於撫字每遇芳辰則騎從出遊使民知太

平氣

象云

謝成

字德用定遠人少有勇畧從太祖克滁和二州歲丁酉二月克長興戊戌三月攻嚴州拔之所

向有功洪武四年八月授處州守禦副千戶守處五年領兵捕獲青田之沐溪私鬻鹽寇周大

豹等四百餘人寘于法民賴以寧十七年夏從都督孫恪捕倭海上秋七月詔成守禦平陽先是守平陽者以其濱海過于關防民動輒獲罪成一切除去遠近安之

謝天錫

字純夫吳人嘉興簿國初羽檄交馳又邑當孔道傳使所經科率繁重天錫優柔處之民

孚事集兵後田多荒蕪悉勉有力者墾之繫囚病疫為湯藥饘粥以濟有殺人情真而未獲尸久繫稱冤天錫廉得之因具服民稱神明

謝昇

當建文時練兵給餉夙夜效勞與難後不屈死之

謝貴

未詳始所自起洪武二十五年以錦衣指揮僉事陞河南都指揮僉事未幾署山西行都司事二十八年坐趙隆事法當死上特宥貴降河南衛指揮僉事建文君即位疑北平兵部尚書齊

泰薦貴智勇以為北平都指揮使俾覘藩府令其練兵即有變先發後聞已卯六月貴部署北平七衛兵布城中逼王城盡柵端禮四門文皇用張玉朱能計先擒貴貴死兵盡散玉等遂奪北平九門

謝孚

字以誠山東人自少穎悟拔出讀書強記永樂四年登進士第除陝西道監察御史潮州百家會恃險奔突搔擾屬邑成祖命孚與都指揮趙德剿捕一方用寧時有事北方糧餉旁午行在都察院復以孚督運口比事完扈從回還陞見陞福建按察司副使

謝澤

字時用會稽人永樂戊戌進士歷通政

謝恂

武進人宣德三年知臨海縣一介不取于民自奉甚薄日再食多蔬食每明發即視事夜分而

後退民以事至庭諄諄戒諭凡利當興蠹當去者雖沮以權力弗暇顧後知平陽府

謝璉

字重器龍溪人宣德丁未進士第三人授翰林編修進侍講嘗上治安十五事後陞南京戶部

右侍郎

卒于官

謝騫

字鵬舉字之子器宇軒豁自幼警敏刻志問學衆以大器期之正統戊午領鄉薦登進士第拜

河南道監察御史侃侃立朝務持大體督察鹽課于浙江風紀大振無敢私販者

謝佑

字廷佐桐城人少孤貧事母至孝嘗讀書於牛背正統丙辰進士歷官山西右布政使致仕卒

母喪未終遺言以衰經為殮以終吾喪死不忘親也

謝輔

字廷輔樂安人正統丙辰進士歷陞浙江左叅政金華盜劉大用聚衆至萬人人人喘恐輔單

車入賊壘諭以禍福推以恩信賊感泣散其衆而降杭嘉湖三郡水滂饑荒輔盡心賑貸勸借穀粟計口以給民多賴之陞右布政使輔為人與物無忤在浙十餘年操履端方始終一政不為赫赫聲人皆陰受其賜自號守拙有守拙集後以子綬貴贈刑部尚書

謝昶

湖廣黃岡人正統間進士天順三年知府於吏事纖細靡遺憫民之力闕

其聽府

訟惟以人情處分而不專於法當時多以循吏目之

謝綬

字維章樂安人景泰甲戌進士歷四川右參議陞陝西右叅政屬歲大侵循行賑濟陞福建按察使尋進廣西右布政使弘治庚戌以右副都御史巡撫湖廣正荆藩之不法者聞寇奪土官印追而還之水道柳桂諸州兵聞舊無專官疏請各增置一員進工部侍郎陞南京禮部尚書

卒于官竣事親孝兄弟五人雍睦無間州里推重焉

謝省

字世修黃巖人景泰甲戌進士授兵部員外郎出知寶慶政尚仁恕興利革弊扶弱鋤強吏民敬畏書真德秀四事十害為僚屬戒上言民隱十事春秋行郊野勸農耕省斂或給耕牛其不率者裁之以法出帑羨市地以拓學宮訓迪俊髦所屬廟學悉新之革去佛寺闡明禮法三年政舉教行民安俗易時推循良第一後乞養疾士民追思立祠祀之

謝績

字世懋省之弟自少與省自相師友讀書首務窮極底裏貫徹為經實際為緯即弗正行弗任以組織人或以古迂謹之公弗顧也而識者選之門人文肅公鐸輯其遺文曰玉城山人詩集刊焉李文正東陽評之曰山人之詩始規倣盛唐得宛轉流麗之妙晚獨受杜少陵則盡變其

故格益為清激悲壯之詞思極其所欲言者其死也蓋有遺力焉顧其憂思愉樂叙事引興雖往復開闔未嘗不出於

正此可以知其人矣

謝鐸

字鳴治太平人天順甲申進士選庶吉士授翰林編修嘗奉詔校勘通鑑綱目上疏言宋神宗喜通鑑理宗好綱目而不能推之政治因勸求賢講學以史冊質經傳窮理義則大本立而萬目自隨矣陞南監祭酒以身率教捐皂役錢以給六館膳夫錢以修書刻其諸若擇師儒慎科貢廣載籍復會饌均差遣論列尤多弘治初轉北監上言在國家宜塞旁徑以澄養士之源在郡學宜併省以從京府之制又言祖宗朝最重教官之選近世師儒之職日輕自今宜如宋人慎重其選不必備員超擢一如國初以興起豪傑庶國家取得人之效疏下不報猶持獨見

每對衆言之凡所建白務切理要無一毫徇俗
希人之意陞禮部右侍郎自憂制後遂無意仕
進居常蔬食水飲泊如
也卒贈尚書諡文肅

謝潤

字德澤祁門人選於春秋學名士多出其門領
景泰庚午鄉薦登天順庚辰進士授刑部主事

遷員外郎以剛介質直聞尋陞浙江
按察司僉事永藁之擢益屬卒于官

謝一夔

字大韶南昌人天順甲戌進士第
一授翰林修撰仕至工部尚書

謝遷

字于喬餘姚人成化乙未進士及第第一授翰
林修撰簡侍東宮弘治初陞左庶子克日講官

時上在諒闇內侍郭鏞請選妃嬪以備六宮遷
疏先帝三年之喪未終豈宜遽有此舉上即已
之修憲廟實錄成陞少詹事兼侍講學士以憂
制歸服除值皇太子將出閣起為詹事累陞東

閣大學士時敵犯大同兵部尚書馬文昇以國用不足奏上請于南方折糧銀內更加銀若干遷執不可上言曰南方稅額甚重宣德正統間因民不堪命故立折銀法以寬之今更加則反重於本色民益疾矣且足國唯在節用苟用不節加賦何益不謂文昇而有此奏乎其事竟寢修會典成加太子太保禮部尚書武英殿大學士時同在內閣者劉健敢於任事而資運之謀斷李東陽長于為文而資運之典則運于其間不激不隨輔成盛治弘治末躋請致仕薦吳寬王鏊以代言極懇至一時恬讓之風感動中外孝皇大漸召遷等受顧命正德初近習蠹政戶部尚書韓文率百官伏闕論之遷等主張于內將寘于法事泄不克遷再疏乞休去而焦芳入閤劉瑾擅權二人深相結納欲甘心于遷人皆危之遷每以劉元城為喻處之裕如瑾誅詔復

遷原職致仕嘉靖初復起尋
卒年八十三贈太傅諡文正

謝瑩

字廷獻祁門人成化
辛丑進士歷布政

謝文祥

字元吉耒陽人成化丙戌進士選庶吉士天
性峭直與羅倫莊景相善遷監察御史數上

封事直氣動臺端謫南陵縣丞李東陽劉大夏
陳獻章輩俱壯其節贈之詩年三十九即掛冠

歸子訥弘治乙丑
進士官給事中

謝寧

字安世惠安人成化丙戌進士知江陰縣操已
端慎馭政公廉篤意蒙養之士建舍立師爰布

條化民病旱滂躬禱山川大發
倉廩賑之功成徵拜刑部主事

謝綬

字朝章朝城人成化進士累官南京御史時官
官蔣琮怙寵恣肆起第鑿金陵雨花臺綬劾之

琮死獄中按兩浙織造羅綺費巨萬悉奏止之
進湖廣副使逆瑾惡其剛正密劾綬罰穀千斛
尋陞僉都御史巡撫雲中練軍士理屯
田增池塹逐貪暴軍聲大振卒賜諭祭

謝源

字潔甫閩縣人弘治進士任浙江道監察御史
以直言正德十六年秋謫判秦州先是按治廣
東發摘姦伏羣吏畏服竣事經江西時寧賊竄
逸同都御史王公守仁追劾守臣帥兵討之俘
斬千餘衆還所掠
百餘人其功尤偉

謝朝宣

字汝為閩安人弘治
癸丑進士歷按察使

謝迪

字于吉餘聞人弘治
己未進士歷布政

謝丕

字以中閩
公子歷聞

丑進士第三文正
右侍郎兼學士

謝驥

字應祥新建人弘治丙辰進士歷少卿

謝汝儀

字國正鄞人登正德甲戌進士授餘干知縣擢監察御史首疏安慶指揮崔文進賢知縣

劉源清之功勳外戚陳萬年宦官王堂時春及奸黨何明等罪狀直聲大著上疏乞寬假議禮諸臣請誅巨璫谷大用等首觸忌諱人為凜凜陞按察僉事備兵嶺東進巡海副使奏設詔安縣安邊館立墩臺蓄番兵為一方保障陞雲南叅政遷江西按察使便道歸省適祖母疾卒汝儀過於哀毀遂沒汝儀平生峻整終日斬斬自持對至親愛未嘗輕有語笑至道義孚契即膠結不解衆中默默若無所臧否及遇大事臨大患壁立萬仞毅然不可犯比死竟不能償宿逋家無以為養知與不知咸為之痛悼云

謝存儒

字懋介蒲圻人嘉靖丙戌進士為行人遷給事中會論事落職尋擢知南昌府精勤職事

奸豪斂手郡攝大治歷山東布政以年饑穀貴令民兼錢輸漕穀省漕費過半東土以安擢副都御史巡撫河南疏請折鈞州陶器價鈞人立石頌焉釐草祥符炬夫費以資軍食提兵守磁州北人不敢南牧

晉兵部侍郎卒

謝蘭

字與德代州人嘉靖丙戌進士歷侍郎

謝少南

字應午上元人嘉靖壬辰進士以侍御督學畿輔以宮直操翰禁苑以憲僉督學粵西以

憲副督學秦中所至皆司文墨鬱有時名

謝瑜

字如卿上虞人嘉靖壬辰進士任御史以言事廷杖罷職隆慶改元贈太常少卿瑜有操行居

言責侃侃不阿歸田里
益礪前修人咸重之

謝九儀

字君錫山東章丘人嘉靖
壬辰進士歷官戶部侍郎

謝言

字仲善福建甌寧人婺源令謝實泰孫也結廬
梅洋巨富積德正統閩荒發穀數萬賑饑有司

上聞勅賜旌義後裔謝瑞官台州謝璣封員外
謝萬官永豐謝明揚封南城謝元謝時可謝吳
皆官外博謝世章官宣城謝世奇官漢川謝堅
舉人才謝瑾智勇超羣以太守張瑛討賊死瑾
突入賊壘仗義建功謝朝佐謝紹芳父子御史
謝純謝龍謝丰謝名世科甲蟬聯皆言積德所

詔云

謝龍

字雲父智畧超常登弘治亞魁為淮府左相淮
王不朝天子將治之龍直疏力請王太妃奏聖

乞恩改過克保王國
全府生靈悉賴以安

謝純

字梅岐天性聰穎文畫兩絕尤諳兵法星占正德亞魁為海州守做造木牛流馬一鞭可行數

十步海州有龍圖之誦因巡臺
貪婪純以清廉招尤遂棄官歸

謝天錫

字廷爵與純同秋榜初姓陳及登進士奏復姓官御史佐謝洞謝昊孝廉與錫齊名

謝昌

字石屏純之弟四齡能識字平仄辨棋先後著性至孝善詩文尤諳韜畧官瓊州兼攝澄邁時

黎寇亂昌自督兵每行用一人持大刀押十人回顧者即勞之須臾飛集賊洞以火攻之凱旋

瓊人德之歌誦更生憂歸葬芙蓉庵廬思親亭終身哀慕置義庄祭田以隆宗祖今公姓振振繼

序其皇人以
為孝友之報

謝阜

字少崗十歲能詩為涇縣令撰三都賦獻禮尚夏公以言有觸阻之作鍊人垂淚記棄涇歸築

鐵漢樓著歷代大事記每屬詩文筆不加點無不妙絕時人稱為富沙謝東坡

謝丰

字天湖舉于鄉為信宜縣令父子俱有才名父名暹貢士性樂山水著抱愚賦諸書丰亦好遊

名山大川著六虛樓集數十卷談笑皆詩文凡一言之出率比之零金碎玉

謝謹

字獻忠上虞人瑜之族嘉靖甲辰進士歷刑部主事

謝應徵

字徵夢華亭人嘉靖辛丑進士任御史

謝東山

字少安射洪人嘉靖辛丑進士歷山東巡撫都御史

謝登之

字汝學巴陵人嘉靖丁未進士任給事中歷南京刑部尚書

謝宗明

字子誠會稽人嘉靖丙辰進士歷廣西僉事

謝榛

字茂秦臨清州人工詩其詩便妥秀發人比之孟浩然與李攀龍輩號七才子

華

武陵角音宋戴公子考父說食菜于華因氏焉去聲又望出平原沛國

周

華督

華宣

華亥

竝為宋卿

華費遂

事元公為大司馬

華元

在宋為右師元曰我為右師君臣之訓師所司也

華閱

元之子
為右師

漢
華陀

字元化，燕人。遊學徐土，兼通經史，曉養性之術。年且百歲，猶有壯容。人以為仙。舉辟皆不就。精

于方藥，處劑不過數種。心識分銖，不假稱量。針藥所不及者，因刻割腹背，斷截腸胃，除其疾而

縫之。傳以神膏，即愈。曹操苦頭風，召陀

鍼之，隨手而瘥。後召不至，竟為所害。

三
國
華歆

字子魚，高唐人。仕魏為御史，累遷太尉。凡祿賜悉以賑宗族故人，而清貧自若。卒諡敬侯。

華覈

字永先，吳郡人。以文學入為秘書郎。孫皓營新宮，費鉅妨農。覈上疏極諫，皓不納。遷東觀令。

華表

字偉容，平原高唐人。歆之子。年二十，拜散騎黃門侍郎。平尚書事，事有不便，表輒與尚書共論。

盡其意。主者固執不得已。然後共奏議。司空陳泰等以此稱之。仕晉歷太常卿，致仕。性清淡，嘗

慮天下退理司徒李膺司隸王密等嘗稱曰若此人者不可得而貴不可得而賤不可得而親不可得而疎卒諡曰康弟博歷三縣內史治有名跡周博學有文仕為黃門侍郎常山太守表子弘敏有才思歷官黃門侍郎散騎常侍惠帝即位累進光祿大夫卒諡曰元子恒官至散騎常侍尚清儉死之日惟書數百卷

華廩

表子弘敏有才思歷官黃門侍郎散騎常侍惠帝即位累進光祿大夫卒諡曰元子恒官至散

華混

廩之子廩被讒免官混以表世孫當襲侯爵乃逃避斷髮佯狂疾瘖不能言得不拜世咸稱之

華嶠

字叔駿表子才學深博少有令聞歷仕魏晉元康初累封樂鄉侯補秘書監內臺中書有良史

才典統撰集又自作漢紀卒贈少府諡曰簡

華恒

字敬則廩之子以駙馬都尉累遷太常定郊祀禮咸和初凡愍帝時進封賜爵一皆除削恒以

討王敦功更封縣陵侯復領太常蘇浚之亂恒
傳帝左右備履艱危初在州鄉人任讓輕薄無
行為恒所黜及讓在浚軍中見恒輒恭敬鍾雅
劉超之死亦將及恒讓盡心救衛故得免及帝
加元服將納后恒推尋舊

典撰定禮儀卒諡曰敬

華寶

無錫人父豪義熙末戍長安年八歲臨別謂曰
我還為汝冠後長安陷寶年至七十不婚冠或
問之不忍答輒號慟稱彌日齊建元三年
詔表門閭陸羽云慧山華陂寶所築也

華譚

字令思廣陵人博學多通有口辨揚州刺史周
浚愛其才器待以賓友之禮後舉秀才歷官尚
書郎永寧初出為郟令時境內饑饉譚傾心撫
卹甚有政績官至秘書監加散騎常侍著書三
十卷名

曰辨道

華軼

字彥夏少有才氣聞于當世汎愛博納士論美之歷江州刺史甚有威惠得江表之歡心流亡

之士赴

之如歸

南
北
華謹之

元嘉初為
建陽太守

隋

華秋

汲郡臨河人家貧傭賃以養其母母終負土成墳容貌毀悴縣大獵有兔奔入秋廬中匿其膝

下郡縣嘉其孝感以聞詔旌其門閭隋末亂羣盜常往來必相戒曰勿犯孝子鄉賴秋全者甚

衆

五代
華溫琪

敬忠之子也本農家身長七尺狀貌魁偉後事梁為開道指揮使累以戰功為絳棣二州

刺史棣州苦河水為患溫琪徙于新州以避之民賴其利又歷齊晉二州莊宗攻晉州踰月不

能破梁武帝嘉溫琪善守升晉州為定昌軍以溫琪為節度使歷官至鎮國軍節度使歷常侍以太子太保致仕天福

元年卒贈太子太傅

宋
華岳

池州人武學生寧宗時上疏極數韓侂冑之惡侂冑大怒下之大理貶建寧園土中太守傅伯

成憐之命獄卒使出繫伯成去郡岳遂病死獄中

華鎮

字安仁登進士官至朝奉大夫鎮好學博古工詩一時名人宗師多稱道之

華初平

鎮子登進士為太常博士討論典故據經考古無所附依二聖北狩以憂憤卒

元
華昭

鄞人生未晬父亡母沈氏家貧不能自存父母欲奪其志誓死弗許勤紡績以教育其子後疾亟昭尚幼刻意茹素禱之弗瘥乃露禱于天封左股作糜和藥以進母愈至正十年尹許廣大

大書節孝字表其門後沈氏壽七十七而卒昭亦能卓立為鄉人所重溫州路總管劉仁本為之傳稱其節孝

萃於一門云

華康

字仲清長興人自號翠微子勤學博覽作詩有唐人風猶長於真草舉賢良不就老于家

明華高

含山人初以舟師從征累官湖廣行省平章政事天下已定論功封廣德侯後命往巡海南諸城卒于瓊州計聞朝廷憫其無子詔納鐵券于墓中追封巢國公諡武壯

華雲龍

鳳陽人國初功臣

華士瞻

偃師人性淳篤節操堅確洪武初以賢士舉授湖廣右布政使

華幼武

字彥清無錫人當元末國初挾重貲以自隱藉微吟而近名者也其詩善占綴模擬尤長

詠物相傳上徐相國武
寧王一首得免於難

華秉彝

字天性無錫人成化進士歷禮部郎中

華清

字廉夫應城人穎慧博洽成化中進士授蘇州府推官以直免歸杜門吟咏自適為文爾雅尤

工於詩兼通字學繪藝士人多傳之所著有西山集

華戀

字伯瞻蘄州人布政使仲賢子蚤負雋才弱冠發解登成化丁未進士選翰林庶吉士性凝重文詞清麗館局多重之授編修尋卒庶吉士鄒智以詩哭之李文正公誌其墓

華珏

字汝和無錫人成化甲辰進士歷郎中

華珩

字鳴朝章丘人弘治己未進士任御史

華泉

字文光無錫人弘治丙辰進士任給事中論劾程敏政調官太僕歷韶州知府政寬刑簡動必益民去後詔民思之終福建左布政使

華愛

字仁卿鄞人正德甲戌舉進士授南京刑部主事歷郎中出守桂林所至樹有勲績終以直道忤人被劾落職性溫雅清儉洞見肺腑不刻深懷詐家居鎮日以詩書自娛精古書法尤工義獻行草為詩希盛唐風格

華津

字濟之無錫人由進士正德八年任郡守心存剛大政尚寬簡首作興學校且禁戢豪強尤防戒吏胥一時稱為得體貴戚占清河田地津力為除豁民至今立祠報祀當時上司旌檄有云四知深畏曾無暮夜之金一介堅持惟飲漳川之水

華金

字子克無錫人正德辛巳進士歷副使

華湘

字源楚秦州人正德甲戌進士歷光祿寺卿

華察

字子潛無錫人嘉靖丙戌進士改庶吉士與姑蘇陸粲齊名察標格峻厲不強人意授戶部主事察曰官有清俗耶遂盡心經理財賦調兵部歷郎中轉翰林修撰歷侍讀主試南畿頗稱得人察言論侃侃凱切不為詭隨人頗忌之以留院學士歸敦義睦族賑貧助葬鄉邦稱重為文尚大體不務雕鑿所著碧山堂知退軒集留院東行紀興數稿行世

華舜欽

字叔俞無錫人嘉靖辛丑進士歷知府子秉直士戌進士歷副使

華雲

字從龍無錫人嘉靖甲辰進士歷刑部郎中性豪爽喜接引人才與唐荆川司諫洪芳洲都憲

為友

華秉中

字正夫上海人嘉靖癸丑進士任給事中

射

晉大夫驍射之後又漢大鴻臚謝服出征以為不祥改為射其後因氏

周

射父

楚人

漢

射服

大鴻臚

射登

蜀郡太守

射授

中郎將

三國射慈

中書郎吳景帝受學

宋

射紀

寶佑進士
遂寧人

明

射兌

衡陽人宣德中
仕鹽井衛教授

射子安

浦江人弘
治舉人

柘

望出武陵楚大夫以地為氏

周

柘稽

越大夫同范
蠡行成於吳

漢

柘溫舒

郎中
刺史

庫

音舍今天台括蒼有此姓

漢

庫鈞

金城太守後
漢寶融傳

化

見姓苑望出南越

明

化輝

普安人宣德中寧遠知縣

化從心

蕭縣人成化中貢士

萬厯中河南太康知縣化之行蘄州人

萬厯中湖廣岳州衛指揮化應時無為人

赦

明

赦敬

中牟人正統舉人

亞

么駕切

明亞吉 華陰人嘉靖中
任平陰縣丞

夜見通志

漢夜龍 雒陽
男子

明夜珠 山東人正德間
任光祿寺丞

萬歷間山西太原指揮夜景光山後

怕

唐怕善 布衣以策干韓愈轉
薦裴度說擒吳元濟

宋怕錢 國子
博士

舍

見姓苑

晉

見纂要

斥

音拓蔡州有此姓出姓纂

霸

益州耆壽傳有霸柳

乍

見姓苑

駕

見姓苑

竿

見姓苑

率

音化見直音

萬姓統譜卷一百五